



საქართველოს შოთა რუსთაველის  
თეატრისა და კინოს სახელმწიფო  
უნივერსიტეტი

---

Shota Rustaveli Theatre and Film Georgian  
State University

# სტუდენტური ნარკვევები STUDENT STUDIES

## I

საქართველოს სტუდენტთა VII სამეცნიერო  
კონფერენციის რჩეული მასალები

Selected materials of the Georgian students

7-th conference

2014  
თბილისი  
Tbilisi

UDC (უაკ) 7.01 (063)  
ს-196

რედაქტორ-გამომცემელი – **ნატო გენგიური**, პროფესორი,  
ჰუმანიტარულ, სოციალურ მეცნიერებათა, ბიზნესისა და მართვის  
ფაკულტეტის ხარისხის უზრუნველყოფის სამსახურის ხელმძღვანელი

სარედაქციო საბჭო:

**ნატო გენგიური**, პროფესორი  
**ლელა ოჩიაური**, პროფესორი  
**გიორგი ცქიტიშვილი**, პროფესორი

ლიტ.რედაქტორი:

**მარიამ იაშვილი**

დამკაბადონებელი:

**ეკატერინე ოქროპირიძე**

ინგლისური ტექსტის რედაქტორი:

**მარიამ სხირტლაძე**

გარეკანზე: ჯოს ვან კრესბიკი. ახალგაზრდა სწავლისას. XVII ს.

Editor-publisher – NATO GENGIURI, Professor, The head of Quality Assurance of Business and Management faculty of Humanities and Social Sciences.

The Editorial Board:

**Nato Gengiuri**, professor  
**Lela Ochiauri**, professor  
**Giorgi Tskitishvili**, professor

On the cover: *Joos van Craesbeeck. Young Man Writing. 17ts c.*

© საქართველოს შოთა რუსთაველის თეატრისა და კინოს  
სახელმწიფო უნივერსიტეტი, გამომცემლობა „კენტავრი“, 2014

© Shota Rustaveli Theatre and Film Georgian State  
University Publishing House “Kentavri”, 2014

ISSN 1987-9695

## სარჩევი

ანა სოლოლაშვილი <b>თბილისური სახლები და არქიტექტურულ- სტილისტური ვითარება XIX საუკუნეში</b> .....	7
სოფიო პაპინაშვილი <b>ჯიბსონ სუნდაკის შემოქმედება 1950-იან წლებში</b> .....	15
თინათინ ჯანჯღავა <b>ელენე ასვლედინის შემოქმედებითი ცხოვრების ერთი უძნობი ასაქმტი</b> .....	23
ნოდარ არონიშიძე <b>„მინაწლები“ და შუა საუკუნეების შემოქმედების სამართო ასაქმტები</b> .....	31
გიორგი რაზმაძე <b>ოცდაათი წელი მონანიების გარეშე</b> .....	46
გიორგი ბერელიძე <b>სამბანწომილებიანი გრაფიკა</b> .....	54
გიორგი თავართქილაძე <b>სათვალნიანი სტერეოსკოპია</b> .....	62
გიორგი ჩახვაძე <b>სიტყვა სამსახიობო ხელოვნებაში</b> .....	67
პაველ როგალსკი <b>ოქასური ფასეულობების დაკარგვა – შექსპირის „მეფე ლირი“</b> .....	74
დენ ხლიბოვი <b>გიორგი ტოვსტონოგოვის და მისი სკოლის გავლენა ქართულ თეატრზე</b> .....	82

**ნოდარ არონიშიძე,**  
აპოლონ ქუთათელაძის სახელობის  
თბილისის სამხატვრო აკადემიის მაგისტრანტი  
ხელმძღვანელი - პროფ. დიმიტრი თუმანიშვილი

## **„80-იანელებისა“ და შუა საუკუნეების შემოქმედების სამართო ასაქმები**

ქართულ ხელოვნებათმცოდნეობაში უკვე საკმაოდ დიდი ხანია შემჩნეულია და მრავალგზის აღნიშნული 1980-იანი წლების ქართველი შემოქმედებისა და შუა საუკუნეების ხელოვნების, მეტადრე კი, კედლის მხატვრობისა და მინიატურის ერთგვარი „საერთობა“, რაც სხვადასხვა თვალსაზრისით მათ საერთო კონტექსტში განხილვისა თუ გაანალიზების საშუალებას იძლევა. ალბათ კი, უფრო სწორი იქნებოდა გვეთქვა: ჯერ არს 1980-იანი წლების ქართველი ავანგარდისტების განხილვა შუა საუკუნეების ქართული ხელოვნების კონტექსტში. იმის გარკვევა, რაგვარია ეს კავშირი და რა თვალსაზრისით გვაძლევს შედარების საშუალებას XX საუკუნის ბოლო მეოთხედის ქართველი ოსტატების შემოქმედება შუა საუკუნეების კედლის მხატვრობასთან, ან კი მინიატურასთან, თემის მთავარ საკვლევ საგანს წარმოადგენს, თუმცა, ვიდრე უშუალოდ დასახული თემის ანალიზს შევუდგებოდეთ, აუცილებელია მიმოვიხილოთ მოვლენა, რომელიც ქართულ მეცნიერებაში „80-იანელების“ სახელითაა ცნობილი.

თავდაპირველად უნდა აღინიშნოს, რომ ცნებიდან თუ სახელდებიდან „80-იანელები“ არ უნდა გამოვიტანოთ დასკვნა, თითქოს რაიმე დაჯგუფებასთან ან კი ერთი იდეის ქვეშ თავმოყრილ მხატვართა სინდიკატთან გვაქვს საქმე, თუმცა, ცხადია, მათ შორის ძალზე ახლო და არსებითი იდეურ-თეორიული თუ ეგზისტენციალურ-ზოგადსაკაცობრიო მსოფლ-აღქმითი კავშირი. და მანც, ამ შემოქმედთა საერთო „მიმართება“, თუ შეიძლება ასე ითქვას, ეპოქის განსაკუთრებულმა სიმძიმემ განსაზღვრა; სიმძიმემ, რომელიც სოცრეალიზმის მძიმე წნეხმა და მეტ-ნაკლებად ჩაკეტილმა სივრცემ დაბადა, და რომელშიც მხოუთავი

აირივით მოქმედებდა „კანონი თუ კანონიკა ხელოვნებისა“.<sup>1</sup> რეაქციული პასუხის თვალსაზრისით, ამ ძალზე მძიმე რეალობის მიმართ შესამჩნევად საერთო სახეს გვთავაზოს ი. ფარჯიანის, ლ. ჭოლოშვილისა და მ. აბრამიშვილის შემოქმედება. ჩვენი თემის საკვლევ ობიექტად და შესადარებელ მასალადაც მათ შემოქმედებას მივმართავთ.

„80-იანელებსა“ და შუა საუკუნეების ქართულ ხელოვნებას შორის „საერთობის“ რამდენიმეჯის აღნიშვნა მეტ-ნაკლებად ზოგად იერს ღებულობს, ან, რიგ შემთხვევებში, მხოლოდღა შენიშვნის სახეს ატარებს. მოცემული საკითხის მიზანმიმართული კვლევა და მისი სიღრმისეული ანალიზი ჯერ არ განხორციელებულა, რაც ერთი-ორად ზრდის ინტერესს შერჩეული თემის მიმართ. თუმცა კი, უნდა ითქვას, რომ ცალკეულ შემთხვევებში, ხსენებული ავტორების ინდივიდუალური კვლევისას ეს საკითხი შემჩნეული და განხილულია.

ერთი შეხედვით იოლია, თუმცა ანალიზის მცდელობისას მჟღავნდება სირთულე ხელმოსაჭიდი, ერთმნიშვნელოვანი პოსტულატების მოხელთებისა, რომელთა მეშვეობითაც შესაძლებელი გახდება დასახელებულ ორ „მოცემულობას“ – შუა საუკუნეებსა და „80 - იანელებს“ შორის კავშირის დაჭერა, რაც, კიდევ ვიმეორებ, აღქმის თვალსაზრისით „სასურათე ზედაპირზე, ან სურათის წინა პლანზე ძევს“. სწორედ ამ საჭიროებით, კვლევის კიდეთა შეკვრის თვალსაზრისით, თემის ერთგვარ ეპიგრაფად კ. კაჭარავას შენიშვნა შეიძლება მოვიხმოთ, თქმული „80-იანელების“ შემოქმედების შესახებ.

„მკაცრად დიფერენცირებული „ხელოვნებისა“ და

<sup>1</sup> თუმცა დიდია წილი მხატვრის შემოქმედებაში ეპოქალური მსოფლმხედველობა-მსოფლგანცდა-აღქმისა და იმ ატმოსფეროსი, რომლითაც შემოქმედი სუნთქავს, საზოგადოებრივი თუ პოლიტიკური მრწამსის სახით, მაინც მათი შემოქმედების გზა, როგორც დამოუკიდებლად არსებული სუბსტანცია, აძლევს ხელოვანს ძალას ამაღლებისა ყოველგვარს ყოფითსა თუ მატერიალურზე, პოლიტიკურ-ეკონომიკურზე. ძალას ყოფითი დისპარმონიიდან ან ქაოსიდან, სადაც იგი თავდაც მყოფობს, ჰარმონიის და კოსმოსის მიღებისა. ესაა ხელოვანი, ამაღლებული ზოგადსაკაცობრიო კრიზისზე. ხელოვანი, რომელსაც სამყაროს მომწესრიგებლის როლი ერგო. ამ გაგებით, კინობითია ფორმა თვით „80-იანელთა“ „რეაქციონერებად“ მოხსენიებისა. ეს არ არის მხოლოდღა პასუხი მძიმე ისტორიულ-პოლიტიკურსა და სოციალურ პრობლემებზე. ის თავისთავად არსებული, მაძიებელი სულია ადამიანისა, სული ხელოვნისა, რომელსაც განსხვავებით ყველა სხვათაგან, თავისი ცხოვრების გზა აქვს.

„არახელოვნების“ გამოჩენის პერიოდში თითქმის რევოლუციური იყო 70-იანი წლების ბოლოსა და 80-იანი წლების დასაწყისში მოსული ახალგაზრდა მხატვრების განსაკუთრებული სიცხადით წარმოჩენილი ინტერესი „სურათოვნებისადმი“ (მათივე განსაზღვრებით), ანუ თემატური სურათის შექმნის მცდელობა“.

ქართველ ავანგარდისტებად წოდებული „80-იანელები“ და მათი „შეხვედრა“ დასავლური ხელოვნების სივრცეში მიმდინარე პროცესებთან საშუალებას იძლევა დასკვნის გამოტანისა, რომ დიდი ხნის კარჩაკეტილობისა და შემოქმედებითი იმპულსების დაუთმხვევლობის შემდგომ, საკმაოდ მყარი და აქტიური ნაბიჯები გადაიდგა „დასავლურ“ ხელოვნებასთან ზიარებისკენ; იმდენად მყარიც კი, რომ ე. წ. პოსტმოდერნისტული ხელოვნების განვითარების, ამ ევრო-ამერიკული ჯაჭვის რგოლიც კი აღმოჩნდით. ჩვენ ჩავერთეთ დასავლური განვითარების სვლის ფერხულში, რომელიც პოსტმოდერნიზმად მოიხსენიება და გააჩნია, როგორც ეტაპს, ხელოვნების ისტორიაში თავისი მრწამსი, ხედვა და ამ ხედვის განხორციელების საშუალებები. თუმცა ქართულ სახელოვნებო სივრცეში მიღებული შეხედულება „80-იანელთა“ პოსტმოდერნისტებად მოხსენიება, ვკონებ, ჩვენეული მოვლენა არა თუ არ ემთხვევა ძირეულ, გრძნობა-განცდისმიერ „სურვილს“, „გეზს“, დასავლური ხელოვნებისა, არამედ, ფორმათქმნისა და ფორმათგანცდის საშუალებებითაც კი მსხვაობარ სახეს ვღებულობთ. სწორედ პოსტმოდერნისტების მიზნად ქცეული სურვილი წარსულისკენ მიბრუნებისა, რომელიც პრინციპში ამოსავალ დებულებად უნდა ჩაითვალოს ამ „ხელოვნებათა სინდიკატისა“, განგვასხვავებს ჩვენ, ამ მიმართულების ფარგლებში გამოვლენილი, დასავლური მსოფლხედვისგან. ყოველგვარი ღრმა ანალიზის გარეშე უნდა იქნეს შემჩნეული, რაოდენ მსხვაობარია და რა მნიშვნელობა აქვს წარსულს, ერთი მხრივ, პოსტმოდერნისტული (რომელიც გეოგრაფიული დაყოფის თვალსაზრისით ევროპად და ამერიკად უნდა მოვიხსენიოთ), ხოლო, მეორე მხრივ, ქართული ხელოვნებისთვის. ისიც ცხადია, რომ წარსულისადმი დამოკიდებულება ჩვენში არავითარ შემთხვევაში არ შეიძლება ირონიულად და დამცინავად ჩაითვალოს. განსხვავებით „დასავლური“ ირონიისა და ღირებულებათა პროფანირებისგან. ქართველი ოსტატებისთვის წარსული ის მყარი საფუძველია,

რომელიც არის მშობელი აწმყოსი და მომავლისა. ეს არის კლდე, ქრისტიანული თვალსაზრისით, რომელზედაც უნდა აშენდეს ეკლესია, „რათა ბჭენი ჯოჯოხეთისანი ვერ ერეოდნენ მას“. ამ, თითქოსდა, მხატვრული გადახვევისა და, ერთგვარი, იდეალიზაციის მიღმა, საოცარი სიღრმისაა აღმოჩენილი კავშირი „80-იანელებისა“ წარსულთან, შუა საუკუნეების ხელოვნებასა და მსოფლ-აღქმა-განცდასთან, ბადებს ქართული ხელოვნების იმ ხაზის გაგრძელების სიხარულს, რომელმაც ქრისტიანობის სახელმწიფო რელიგიად გამოცხადების დღიდან გვიანი შუა საუკუნეების ბოლომდე მოატანა. მოცემული საკითხი ძალზე ღრმა ანალიზს მოითხოვს. მანამდე კი, უნდა მიმოვიხილოთ ის „რევოლუცია“, რომელიც „80-იანელთა“ მიბრუნებამ გამოიწვია ხსენებული „სურათოვნებისაკენ“. ცხადია, ესეც დასტურია იმისა, თუ რაოდენ სხვაობდა ქართული ხელოვნების განვითარების მიმართულება, 1980-იანი წლების სახით, ევროპულსა და ამერიკულს.

მეორე მსოფლიო ომის შემდგომ დასავლურ სივრცეში ხელოვნებამ მკვეთრად „არატრადიციული“ მიმართულებით აიღო გეზი.<sup>1</sup> პოსტმოდერნიზმად წოდებული „ენერგიული წვა“ ხელოვნებაში ვერბალიზირდა როგორც პროტესტი მოდერნიზმის მიმართ, დაიწყო მისი „კრიტიკული“ გააზრება. სწორედ ამ ლოგიკურმა სვლამ მიიყვანა ხელოვნება გამომსახველობით საშუალებებზე უარის თქმამდე. XX ს.-ის დასაწყისში მოდერნიზმის მთავარ მნიშვნელობას სწორედ XIX ს.-ის გამომსახველობითი ხერხებისა და ასახვის საგნის უგულებელყოფა წარმოადგენდა. თუმცა, ცხადია შენარჩუნდა ერთგვარი „სურათოვნება“, რაც სწორედ რომ პოსტმოდერნის ფარგლებში იკარგება. „სურათში“

---

<sup>1</sup> ამ შემთხვევაში, არატრადიციული არ გულისხმობს გარდასულ დროთაგან მოყოლებული ხელოვნების მთავარი გეზიდან გადახვევას, თუკი რაიმეგვარი სიცხადით შეგვიძლია ეს გზა წარმოვიდგინოთ. ტრადიციული ხელოვნების, გამომსახველობით ხერხებსა და საშუალებებზე, გამოსასახ საგანსა და მოვლენაზე უარის თქმა შეუძლებელია პოსტმოდერნის „გამბედაობად“ არ ჩაითვალოს. საამისო ნიშნები XIX ს.-ის ბოლოდან ჩანს, ხოლო XX ს.-ის დასაწყისში ამ ნაბიჯს მკვეთრად გამოხატული სახე ეძლევა მოდერნიზმის ფარგლებში. ამ შემთხვევაში არატრადიციულობა პოსტმოდერნისა თვით მოდერნიზმისგან განდგომაში მდგომარეობს. ესაა მიმართულება კიდევ უფრო მეტად დაცილებული „ტრადიციულ ხელოვნებას“, ასასახ საგანსა და ასახვის ხერხებს.

დაკარგული იდეის აღდგენის მიზნით,<sup>1</sup> პოსტმოდერნიზმი მისივე წინამორბედის, მოდერნიზმის წინააღმდეგ გამოდის და ამდენადვე გაპყურებს თითქოს კიდევ წარსულის ხელოვნებას. მაგრამ ასე როდია, ან კი წარსული როდი იქცევა დასაყრდენ საფუძვლად ამ „ახალი“ ხელოვნებისა, შეიძლება ითქვას, რომ პირიქითაც კი მოხდა. აქ გამოყვანილი წარსული, ერთგვარი, მასალაა ირონიისა, ღირებულებათა თამაშისა, სამარადისო ვულგარიზაციისა ხელოვნებაში. პოსტმოდერნიზმი, რომელსაც უბრალოდ თანამედროვე ხელოვნებად მოვიხსენიებთ მოცემული ანალიზის ფარგლებში, წარმოგვიდგება მრავალმხრივი და მრავალპლანიანი „კრიტიკის“ ობიექტად. XX ს.-ის რუსი ფილოსოფოსი და სოციოლოგი პიტირიმ სოროკინი, ახასიათებს რა თანამედროვე ხელოვნების ტენდენციებს, ძიებებს და უკვე განხორციელებულ, „შემდგარ“ ხელოვნებას XIX ს.-ის სახით, გვთავაზობს საკმაოდ რადიკალურ დასკვნებს თანამედროვე ხელოვნების მიმართულების ანალიზთან ერთად, რომელიც მეტწილად პოსტმოდერნიზმს მიემართება. „თანამედროვე ხელოვნება თანდათანობით ზდება საქონელი, უპირატესად გასაყიდად წარმოებული რელაქციისთვის, მოხმარებისთვის, გართობისა და სიამოვნებისთვის. იგი ემსახურება ბაზარს და ამიტომაც არ შეუძლია მისი მოთხოვნების იგნორირება. ნაცვლად იმისა, რომ აამაღლოს მასები საკუთარ დონემდე, ის პირიქით, ეშვება მასების დონემდე. იგი იძულებულია, ფაქტობრივად უგულებელყოს ყოველგვარი რელიგიური და მორალური ღირებულებები, ვინაიდან ისინი იშვიათად არიან „გასართობი“ და „სასაირო“. ამის გამო სულ უფრო და უფრო სცილდება კულტურულ და მორალურ ღირებულებებს და თანდათანობით გარდაიქმნება უშინაარსო ხელოვნებად“. ან კიდევ შემდეგი: „თანამედროვე ხელოვნების ყველა დარგი ამჟღავნებს გადაჭარბებულ მიდრეკილებას სატირისა და კარიკატურისადმი. ყველა და

---

<sup>1</sup> მოგვხსენებათ, მოდერნიზმის ეპოქა ფორმალური ძიებებით ხასიათდება და კიდევაც არ მალავს ამას, რამაც, თავის მხრივ, შეიძლება ითქვას, გადაიყოლა შინაარსი ნაშრომისა და არსი კი - ხელოვნებისა. ყოველ შემთხვევაში, საუკუნეთა განმავლობაში არსებული ხელოვნების დარგებისა და მათზე შეხედულების საწინააღმდეგოდ მოგვევლინა მოდერნიზმის მქადაგებელთა, როგორც თეორიული შეხედულება ხელოვნების მნიშვნელობაზე, ისე მათი ნაქმნით დადასტურებული პოზიცია.

ყველაფერი გამასხარავებული და დამცირებულია“.<sup>1</sup> ამრიგად, გარკვეულწილად სახეზეა პოსტმოდერნისტული მიმართულება და მისივე მთავარი არსის მიმართება არა მხოლოდ ტრადიციის, არამედ საერთოდ ყოველგვარი შემოქმედებითი ღირებულების, ზნეობრივ-მორალურის, ისტორიულის, რელიგიურისა და კულტურისმიერისა. ეს, ერთი მხრივ, თვით პოსტმოდერნისტული ხელოვნების დახასიათება-ანალიზს წარმოადგენს, ხოლო მეორე მხრივ, გვთავაზობს მსხვაობარი ნიშნების, მიმართებებისა და მიმართულებების განრჩევის შესაძლებლობას ქართველ „80-იანელთა“ და პოსტმოდერნისტულ ხელოვნებას, ხელოვანებს ან კი ხელოვნებებს შორის. ჩვენ მიერ თავში დასმული საკითხი „სურათოვნებასთან“ მიმართებით, ერთ-ერთი იმ ასპექტთაგანია, რომელიც ფორმალური თვალსაზრისით, გვითვალსაზრისებს სწორედ იმ სახესხვაობას, რომლის მსოფლმხედველობრივ ნაწილზეც უკვე ვისაუბრეთ.

სწორედ ეს, „თემატური სურათის“ შექმნის სურვილი და განხორციელება, „სურათოვნება“, როგორც კ. კაჭარავა აღნიშნავს, მოგვევლინა ფუნდამენტურ განმასხვავებლად პოსტმოდერნიზმსა და ქართველ „80-იანელებს“ შორის. ამრიგად, ნაშრომის პირველი და უმნიშვნელოვანესი საკითხი, ორიენტაცია, მსოფლ-მხედველობა და მსოფლ-აღქმა, ქართველი შემოქმედებისა მონიშნა და გარკვეული სახეც მიიღო. სახე, რომელიც მკვეთრად განსხვავებულია პოსტმოდერნისტული „ესთეტიკისგან“.

ჩვენი ანალიზის მეორე და მთავარ ნაწილს წარმოადგენს „80-იანელებისა“ და შუა საუკუნეების კავშირი, თუ „საერთობა“. აქ კი, ერთგავრ, თანმიმდევრობას უნდა მივყვეთ. შუასაუკუნოვანი ხელოვნების ბოლო ეტაპზე, ანუ „გვიანა“ პერიოდში, ქართული ხელოვნების შემოქმედებითი იმპულსები მკვეთრი განვლებით ხასიათდება, რამაც გამოხატულება ჰპოვა არა მხოლოდ უმიზნო განმეორებებში არსებული ფორმებისა და სქემა-გეგმებისა, არამედ, მეზობელ კულტურათა მოჭარბებულ გავლენებში. შესადარებელ, სამოდრაო, სივრცედ უნდა მოვსაზღვროთ ის მიმდინარეობები, რომელთა კავშირშიც განვიხილავთ XX ს.-ის ბოლო მეოთხედის ქართველი მხატვრების შემოქმედებას. ესენი კი, რა თქმა უნდა, კელლის მხატვრობა და მინიატურაა. თუმცა, უნდა აღინიშნოს,

<sup>1</sup> პიტირიმ სოროკინი - ხელოვნების კრიზისი, ქუთაისი 2006 წ. მოცემული წიგნი ნაწილია მისივე ნაშრომისა „ჩვენი დროის კრიზისი“.

რომ გვიანი შუა საუკუნეების კედლის მხატვრობის მთავარ „შემოქმედებით“ ხაზად, ჩვენ შემთხვევაში, და, ვგონებ, ისედაც, ე. წ. „ხალხური ნაკადი“ ნაგულები. სწორედ ესაა უკანასკნელი აფეთქება, ეროვნული შემოქმედებითი იმპულსებისა შუა საუკუნეების კედლის მხატვრობაში. ვიდრე ხსენებული მოვლენის უფრო ღრმა ანალიზს შევუდგებოდეთ, მინიატურის შესახებაც უნდა ითქვას ორიოდ სიტყვა, მეტადრე კი, გვიანი შუა საუკუნეების მიწურულს მისი ძლიერი დაქვეითებისა და მეზობელი „სპარსეთის“ მკვეთრი გავლენის ქვეშ მოქცევის შესახებ (რალა თქმა უნდა, აქ საერო მინიატურებია ნაგულისხმევი). გვიანი შუა საუკუნეები, მოგეხსენებათ, თავის თავში აერთიანებს საერო მინიატურის, როგორც აქტიურ გამოსვლას „ასპარეზზე“, ისე მის დაქვეითებას. მოკლედ რომ ვთქვათ, გვიანი შუა საუკუნეების ბოლოს ეროვნული შემოქმედებითი იმპულსები მიინავლა, რამაც თვალნათლივი გამოხატულება ჰპოვა ხელოვნების ყველა დარგში, მათ შორის კედლის მხატვრობასა და მინიატურაში.

იმისათვის, რომ უფრო თვალსაჩინო გახდეს ჩვენ მიერ მოხსენიებული კავშირი „80-იანელებსა“ და შუა საუკუნეების ხელოვნებას შორის, ცალკე განვიხილოთ გვიანი შუა საუკუნეების კედლის მხატვრობის, როგორც უკვე აღვნიშნეთ, „ხალხური ნაკადის“ ძირითადი მხატვრული ტენდენციები და ამავე პერიოდის საერო მინიატურის განვითარება-დაცემის გზები.

სულ მოკლედ, პოსტულატების სახით, უნდა მოვკრიბოთ ის მახასიათებლები გვიანი შუა საუკუნეების კედლის მხატვრობისა, რომელთა არსებობაც ზემოთ ხსენებული კავშირის ანალიზის უფლებას გვაძლევს. ე.წ. „ხალხური ნაკადის“ მხატვრობას ისტორიული რეალიებისა და მის გვერდით არსებული, სხვა მხატვრული ტენდენციების გაანალიზების გარეშე განვიხილავთ. ამ თემის მასშტაბის გამო, არ შევცხებით მისი წარმოშობის რაობას, ისტორიულ-საფეხურებრივ განვითარებას და მის მიმართებას ე. წ. „სამეფისკარო“ მხატვრობასთან. „ხალხური ნაკადი“, რომელიც ხასიათდება განსაკუთრებული ნაივურობით,

გულწრფელობით, „სიმარტივითა“<sup>1</sup> და „ღიაობით“, მნახველთან კავშირისას, ერთგვარად, მისივე სახელდებიდან ცნაურდება.<sup>2</sup> ხსენებული მახასიათებლები კი, რაღა თქმა უნდა, მხატვრული ხერხების ხმარების რაგვარობიდან გამომდინარეობს. დისპროპორციული გამოსახულებები, უტრირებული ნაწილები ფიგურებისა, გამომეტყველებათა ნაივურობა, ეს სწორედ ის ნიშნებია, რომელნიც განსაზღვრავენ გვიანი შუა საუკუნეების ქართული კედლის მხატვრობის და, შეიძლება ითქვას, ერთგვარად, მსოფლ-განცდის, ხასიათს, მის არსს, რამაც გამოხატულება, ამ დროისთვის შემოქმედებითად წამყვანი მიმართულების „ხალხური ნაკადის“ მხატვრობაში ჰპოვა. ეროვნული შემოქმედებითი იმპულსი, რომელსაც ესოდენ ხშირად ვახსენებთ, შეიძლება ითქვას, რომ კედლის მხატვრობაში, ყოველ შემთხვევაში, ამოდენა მასშტაბით „ხალხური ნაკადის“ ფარგლებში სრულდება და შემდგომ დამკარგველნი ერთიანი შემოქმედებითი ენერჯისა, რომლის „ინსპირატორიც“, რაღა თქმა უნდა, ქრისტიანული სარწმუნოება

---

<sup>1</sup> იქნება სიმარტივე გაგებულ იქნეს, როგორც შემოქმედებითი გააზრების, ქრისტიანული რელიგიის, როგორც იდეური მოცემულობის, არახედიმიწვევითი ცოდნისა და ოსტატთა ნაკლებხელოვანების თვალსაზრისით და ამ შთაბეჭდილებას ერთი-ორად ამძაფრებს კიდევ თავად ბუნება „ხალხური ნაკადის“ მხატვრობისა, მაგრამ კვლევამ გვიანი შუა საუკუნეების კედლის მხატვრობისა ცხადყო გამოსახულ სიუჟეტთა განსაკუთრებული სიღრმითი სირთულე, რაც წარმოდგენილ სცენათა შორის იდეურ-სიმბოლურ და საკრალურ კავშირებში მჟღავნდება. ამრიგად, საუბარი „ხალხური ნაკადის“ სიმარტივეზე, არაფრით არ შეიძლება მიემართოს იდეურ გააზრებას ქრისტიანული იკონოგრაფიისა. ესაა მხატვრული საშუალებებისა და გამოსახული ფორმა-სხეულების განსაკუთრებული ნაივურობა და უშუალობა.

<sup>2</sup> „ხალხური ნაკადი“, როგორც სახელდება, ხომ ერთგვარი განმარტებაა იმ შემოქმედებითი ენერჯის წარმოშობისა და რაობის, რომელიც მის ფარგლებში იგულისხმება. ესაა, როგორც ი. ხუსკივაძე წერს, მრეკლი ოსტატად გადაქცეული, ანუ მრეკლიდან წამოსული შემოქმედებითი ენერჯის ქრისტიანული იკონოგრაფიის ფარგლებში განსხეულება. ამრიგად, ხსენებული სახელდება რამდენიმეგზის განმარტავს თავისსავე ობიექტს, მათ შორის იმასაც, რომ ეს მხატვრობა მრეკლის შემოქმედებითი და რელიგიური წვდომის ნაყოფად უნდა ვიგულოთ.

იყო,<sup>1</sup> ცალკეული ოსტატების იმედადღა ვართ გადადებულნი.

გვიან შუა საუკუნეებს ემთხვევა საერო მინიატურაში „გაცხოველებული“ მუშაობაც. აქ კიდევ უფრო მძიმე შემთხვევასთან გვაქვს საქმე, ვინაიდან ჩვენში საერო მინიატურის, წიგნის ილუსტრირების, ხელოვნება დამოუკიდებლად გარეშე ძალებისა და ტენდენციებისგან როდი არსებობდა. იგი, მეტად თუნაკლებად, მეზობელი „სპარსეთის“ სამინიატურო „ხელწერის“ გალენის ქვეშაა, დასაწყისიდან თითქოს სულ არა, ან კინაკლებად, ხოლო მოგვიანებით მთლად მოქცეული აღმოსავლური ესთეტიკის ჩარჩოებში გვიანი შუა საუკუნეების ბოლოსკენ, მსგავსად კედლის მხატვრობისა, ასრულებს განვითარებას და საერთოდ არსებობასაც.

ამრიგად, „გვიანა“ შუა საუკუნეების მიღეულს ეროვნული შემოქმედებითი ენერგია მიინავლა და თითქოს გაქრა კიდევაც. ამის გამოხატულება აღმოჩნდა ცალკეულ ხელოვნებათა ინდივიდუალური გზით სვლა დასასრულისკენ, საკუთარი

---

<sup>1</sup> როდესაც ქრისტიანული ხელოვნების რაობაზეა მსჯელობა, იქნება ეს იდეურ-თეორიული თუ პრაქტიკულ-ფორმალური ხასითის და ხაზისა, უპირველესად გემართებს გააზრება მისი „ფუნქციურობის“. აქ მიდგომა და ფორმა, სახე, ხერხი და ფერი, მონასში და „შექ-ჩრდილი“, ყოველგვარი მხატვრული გამოვლინება რისამე, ერთმნიშვნელოვნად იდეის, რელიგიური მრწამსისა და მნიშვნელობის გამოხატველ-გამომვლენია. რელიგია თავად კარნახობს ფორმას, ის თავად სახავს საკუთარი, „ენით გამოუთქმელისა და თვალთ უხილავის“, ფორმისმიერ სახებას. რაც განხორციელებულ უნდა იქნეს იმ სულიერი ძალისა და ენერგიის მეშვეობით, რომლის მაცოცხლებელი ძალაც, სწორედ რომ რელიგიურ, ამ მოწოდებით ხასიათშია. ამ მიმართების გამო ქრისტიანული რელიგიის იდეასა და ფორმას შორის ვილკვლამ პინდერი აღნიშნავს: „მთელი შუა საუკუნებრივი ხელოვნების დიდაქტიკური მნიშვნელობის, მისი, როგორც მაცხოვრებელი ჭეშმარიტების განმმარტებლის როლის შეცნობა, უზუნაეის ჭეშმარიტების გადმომცემელ-განმმარტებლად, საბოლოოდ, მხოლოდ იმ გარემოებასთან მიდის, რომელიც ფორმას აღმოაცენებს. მას ძალუმს თხრობითი მასალა (თემები) დასახოს და მოტივების შერჩევაშიც ჩაერიოს, მაგრამ ესეც მხოლოდ ფორმის აღმომცენი გარემოებებია.“ ვილკვლამ პინდერი, იხ. „ხელოვნების ისტორია“-შესავალი, 2005, გვ 168.

შესაძლებლობების ამოწურვისკენ,<sup>1</sup> ამათგან ჩვენ გარკვეულწილად მოვნიშნეთ კედლის მხატვრობა, საერო მინიატურა და ისინიც არა მხოლოდ, როგორც ხელოვნების ფორმები, არამედ როგორც გარკვეული მხატვრული ტრადიციის მატარებელი „ორგანიზმები“. ასეთი აღმოჩნდა, ვთქვათ, ტრადიცია სახარების გადაწერისა და გაფორმების. ხოლო, საეკლესიო მხატვრობის „შეწყვეტამ“ თან მიიყოლა, რაღა თქმა უნდა, საერო პირთა გამოსახულებები, ეს ერთადერთი „შტრიხი“ რელიგიური ხელოვნების ფონზე არსებული საერო ხელოვნების და „სუბიექტებისა“.<sup>2</sup>

ახლა, როდესაც ძირითადი წინაპირობები გახსნილია და ნაწილობრივ გაანალიზებულიც, უშუალოდ ჩვენ მიერ ხსენებული მხატვრების შემოქმედების კავშირია განსახილველი შუა საუკუნეების გვიანი პერიოდის კედლის მხატვრობასა და მინიატურასთან. ჩვენთვის თვალსაჩინოა განვითარების ის ეტაპი საიდანაც ეს ორი უკანასკნელი „ხელობა-ხელოვნება“, თუ შეიძლება ითქვას ამგვარად, წყვეტს არსებობას და ამდენად, მათი

<sup>1</sup> შორს ვარ იმ აზრისგან, რომ შესაძლებელია ხელოვნების რომელიმე ჟანრმა, იქნება ეს პორტრეტი თუ პეიზაჟი, ან თავად კედლის მხატვრობა და მინიატურა, ამოწუროს თავისი თავი. აქ, როგორც წესი, კულტურის, საზოგადოების ან კი რომელიმე დროის შემოქმედებითი თვალსაწიერი და დონეა ხოლმე განმსაზღვრელი. განმსაზღვრელი იმისა, თუ რამდენად შეძლებს ხელოვანი, უკვე არსებული და ჩამოყალიბებული სახვითი ფორმებითა და ხერხებით, ასევე არსებულ „მიმართულებებში“ ხელოვნებისა რაიმე ახლის თქმას, ანუ თავისი თავის განხორციელებას. ამის თვალნათელი მაგალითია მოდერნიზმის მიერ უგულვებელყოფილი სახვითი ფორმები, არა მხოლოდ ჟანრები და ასახვის საგანი, არამედ, გამოსახვის ხერხები და მხატვრული საშუალებები. ეს დახასლოებით ისეთივე შეუძლებელია, როგორც განცხადება იმისა, რომ შეიძლება ვინმეს, პროზაიკოსს ან პოეტს, ანბანში არსებული ასოები არ ჰყოფნიდეს სათქმელის გადმოსაცემად.

<sup>2</sup> ქვემოთ ჩვენ მოვეწივებს მსჯელობა საეკლესიო მხატვრობაში საერო პირთა გამოსახულებებსა და მათს მიმართებაზე, ამ გამოსახულებათა საკრალურ სივრცეში შეყვანის რაობისა და რაგვარობის მნიშვნელობაზე. ამრიგად, ერთმნიშვნელოვნად მათი გამოცხადება მხოლოდდა საერო პირებად, ანუ ასე მოხსენიება საორტოფოც ხდება რადგან საქმე გვაქვს წმინდანთა გამოსახულებებთან, უმრავლეს შემთხვევაში. ესეც რომ არა, ადრეული მსოფლმხედველობითა და რელიგიური განცდით, მუფენი და თანაც ბაგრატოვანთა შტოს წარმომადგენელნი, მოაზრებიან როგორც ღმრთივკურთხეულნი. ცხადია, ისინი საერო პირნი არიან და ამგვარადაც მოვისხენიებთ, თუმცა, აღნიშვნის ღირსია ის დამოკიდებულება, რომელიც მათ კიდევ სხვა, განსაკუთრებულ მნიშვნელობას სძენს და ეს განსაკუთრებულობა არაა მხოლოდ მათი საერო „თანამდებობა“.

მახასიათებლებიდან გამომდინარე ისიც, თუ რა ხაზი შეიძლება ვეძიოთ ამ უკანასკნელსა და ფარჯიანი-ჭოლოშვილი-აბრამიშვილის შემოქმედებას შორის. და თუ ეს სიცხადე ჯერაც გამოუვლენელია, ვცადოთ ამ კავშირის ორგვარი სახით წარმოჩენა. ერთია, რაღა თქმა უნდა, საქმიანობა, თუ საქმიანობანი, რომლის გაწყვეტაც გვიანი შუა საუკუნეების პერიოდში ვიხილეთ და „აღდგომის“ სახით „80-იანელებთან“ გვევლინება. უფრო კონკრეტულად რომ ვთქვათ, შუა საუკუნეების გვიან პერიოდში ჩვენ ვხედავთ, რომ კედლის მხატვრობაცა და მინიატურაც წყვეტს არსებობას. თუ გადავუხვევთ თემიდან, ორიოდ სიტყვით იმის თქმაც შეიძლება, რომ ამ დროიდან განსაკუთრებული ძნელბედობის ჟამი დადგა ჩვენი ქვეყნის ისტორიაში, რომლისგანაც, უნდა აღინიშნოს, რომ 1980-იანი წლების ბოლომდე ვერ განვთავისუფლდით. როგორც „საქმიანობის“ მინიატურისა და კედლის მხატვრობის გაწყვეტას, თან მიჰყვა ერთგვარი ტრადიციაც სახარების გადაწერისა და გაფორმების. ამრიგად, ვიდრე უშუალოდ შემოქმედებითი რავგარობის და მხატვრული რაობის თვალსაზრისით შევადარებდეთ შერჩეულ ეპოქებსა და შემოქმედთ, სახსენებელი უწინარესად სწორედ რომ ამ ტრადიციის აღდგენის მცდელობაა. ტრადიცია, რომელიც ქრისტიანული და ქართული ხელოვნებისთვის უცილობელი თანმდევი იყო საუკუნეების მანძილზე. ეს კი, სახარების გადაწერა და გაფორმება, რომელიც ი. ფარჯიანის შემოქმედებაში ესოდენი მნიშვნელობისაა, სწორედ რომ საუკუნეთა მიღმა მიმქრალი ტრადიციის აღდგენას და გავრძელების საფუძველს წარმოადგენდა. ამგვარივე მნიშვნელობის მატარებელი აღმოჩნდა მისი რელიგიური სიუჟეტები ეპოქისთვის, რომელიც ყოველგვარი რელიგიურობისგან განდგომის უთვალსაჩინოესი მქადაგებელი იყო. ასევეა, გარდასულ დროში მინავლული საეკლესიო მხატვრობა, რომელმაც მაცოცხლებელი ენერჯია საერო შემოქმედებაში მიიღო და ისიც ხომ ნიშნეულია, რომ სწორედ ეს მცდელობა აღმოჩნდა საფუძველი ქრისტიანული ხელოვნების, ტაძართა მოხატვის და ხატწერის აღდგენისა. მინიატურულობა, მინიატურის და აღმოსავლური მოტივების პრიმატი, რომელიც გვხვდება მ. აბრამიშვილის შემოქმედებაში, ერთმნიშვნელოვნად აღდგენილ ტრადიციად უნდა ვიგულოვოთ გვიანი შუა საუკუნეების ბოლოს გამწყდარი შემოქმედებითი აზრისა და ხედვისა, რომელმაც, რაღა

თქმა უნდა, ისევე, როგორც სხვებთან, თავისებური გამოხატულება, მხატვრული ფორმა და ნიშა ჰპოვა საერო შემოქმედის ფუნჯქვეშ. საერო პირთა, მეფე-დიდებულთა გამოსახულებები საეკლესიო სიუჟეტებში თუ რელიეფებში რომ ქართული ხელოვნების ერთ-ერთ აუცილებელ „ატრიბუტს“ წარმოადგენდა მთელი შუა საუკუნეების მანძილზე, სიტყვის გაგრძელებად არ ღირს და რომ ამ ტრადიციის ხელახლა დაბადებას ლ. ჭოლოშვილთან ვხედავთ, რაღა თქმა უნდა, არც ესაა შემთხვევითი.

ამრიგად, ჩვენ უკვე მიმწყდარ ტრადიციათა აღდგენისა და, თუ შეიძლება ასე ითქვას, „საქმიანობის“, „ხელობის“ თვალსაზრისით განვიხილეთ ზემოთ ხსენებული და შესაძარებლად იმთავითვე აღებული ორი ეპოქა. შედარებათა შედეგად მიღებული დასკვნები ვგონებ, რომ ეჭვს არ ბადებენ და სრულებით ერთმნიშვნელოვანია ამ თვალსაზრისით „80-იანელთა“ და გვიანი შუა საუკუნეების „ოსტატთა“ დადარება.

დასადგენად იმისა, თუ რა სიღრმითა და ძალით ვგულოვობთ „80-იანელთა“ შემოქმედებაში გვიანი შუა საუკუნეების, ქრისტიანული ხელოვნების, გაგრძელების ტენდენციებს, აუცილებელია ცალკეულ მხატვართა შემოქმედების დამოუკიდებლად განხილვა. ეს თითქოს მარტივი მოსანიშნია მ. აბრამიშვილისა და ლ. ჭოლოშვილის შემოქმედებაში, ხოლო, ერთგვარად ართულებს საქმეს ი. ფარჯიანის შემოქმედებითი მრავალფეროვნება და ნაყოფიერება, რატომაც მისი შემოქმედების მხოლოდდა მცირე, ყველაზე უფრო მეტყველ ნაწილზე ჩვენი თემისთვის, მოგვიწევს მხჯელობა.

### **ირაკლი ფარჯიანი**

ი. ფარჯიანის შემოქმედების უნიშვნელოვანეს ხაზს რელიგიური სიუჟეტები და რელიგიური თემატიკა წარმოადგენს, მათ შორის განსაკუთრებული მნიშვნელობისაა სახარების გადაწერისა და გაფორმების ხელოვნება. როგორც უკვე აღვნიშნეთ, ი. ფარჯიანის შემოქმედება, ერთგვარად, ტრადიციის გამგრძელებლად გვევლინება შუა საუკუნეთა რელიგიური ხელოვნებისა. ცხადია, რომ რეკოლუციური მნიშვნელობისა იყო სახარების გადაწერისა და გაფორმების მცდელობა, ხოლო, როგორც ტრადიცია ხელახლა ცოცხლდება საეკლესიო მინიატურაც, ისევე როგორც მ. აბრამიშვილის მიერ საერო მინიატურისადმი ცხოველმა ინტერესმა და ლტოლვამ შემოგვთავაზა ხელახალი სიცოცხლე ამ მიმართულებისა.

ძალზე არსებითია კავშირი ი. ფარჯიანის რელიგიურ მხატვრობასა და გვიანი შუა საუკუნეების ტადართა მოხატულობათა „ხალხურ ნაკადს“ შორის. ჩვენ დასაწყისში ვახსენეთ „ხალხური ნაკადის“ ძირითადი მახასიათებლები, მათ შორის მისი უბრალოება, სიმარტივე, უშუალოება და ნაივურობა. სწორედ ამ გაგებითაა უშუალო კავშირი ი. ფარჯიანის მხატვრულ ფორმასა და „ხალხურ ნაკადს“ შორის. უფრო მეტიც, გვიანი შუა საუკუნეების კედლის მხატვრობაში დაწყებული ეს ტენდენციები ი. ფარჯიანმა კიდევ უფრო გააღრმავა და მაღალ შრეზე აიყვანა. მრევლიდან წამოსული საეკლესიო მხატვრობის სახე ხომ „ხალხურ ნაკადში“ გამოძვლავნდა, სწორედ ამგვარივე იყო ი. ფარჯიანის, როგორც საერო შემოქმედის რელიგიური მხატვრობა. კიდევ უფრო მეტი სიმარტივე და ღიაობა, მეტი უშუალოება და ნაივურობა ახასიათებს ი. ფარჯიანის შემოქმედებას, „ხალხურ ნაკადთან“ შედარებით და მასთან კავშირში...

### **ლევან ჭოლოშვილი**

შუა საუკუნეების კედლის მხატვრობის ერთ-ერთ აუცილებელ შემადგენელ ელემენტს ქტიტორთა და მეფე-დიდებულთა გამოსახულებები წარმოადგენდა. უნდა აღინიშნოს, რომ ეს გამოსახულებები, პორტრეტები, რომლებიც რელიგიური სიუჟეტების გვერდით იწერებოდა თუ იხატებოდა, საერთო იკონოგრაფიის ნაწილადაც კი მოიაზრებოდა და ამდენად, განსაკუთრებული მნიშვნელობის მატარებელიც იყო. რაღა თქმა უნდა, შუა საუკუნეთა კედლის მხატვრობა, ხსენებული გამოსახულებების დატანას თავის საკრალურ და „დემატერიალიზებულ“, საუფლოსარიტუალო სივრცეში კონკრეტულ მნიშვნელობას სძენდა. თანმდევად ამისა, მათი წერის მანერაცა და ფორმის მხატვრული გააზრებაც შესაბამისი ჩნდებოდა. შუა საუკუნეების ხელოვნებას ხომ განსაკუთრებით ახასიათებს ფორმის პირდაპირპროპორციულობა აზრთან, მხატვრული საშუალებების აზრისმიერობა, მისი შესაბამისობა მსოფლ-ხედვასა და მსოფლ-აქმასთან. ამდენად, სწორედ ამ და სხვა მრავალ, მახასიათებელთა გამო, ჩვენთვის შესაძლებელია შუა საუკუნეთა „ფორმის“, როგორც მხატვრული იდეის წაკითხვა და თანაც კი არაორაზროვნად. სწორედ იმიტომ, რატომაც მისივე ფორმის ამოსავალია ჩვენთვის ნათელი და ხელშესახებად ცხადი, სწორედ იდეა და საფუძველი გვიხსნის

ყოველგვარ გადაწყვეტა-მიდგომასა და ფორმა-საშუალებას ყოველი სახის ხელოვნების ნიმუშისა.

გასაკუთრებული სიცხადით გამოვლინდა მსოფლა-აღქმითი და ფორმისმიერი კავშირი ლ. ჭოლოშვილის მეფეთა გამოსახულებებსა და შუა საუკუნეთა კედლის მხატვრობის საერო პირთა გამოსახულებებს შორის. ეს, რაღა თქმა უნდა, მჟღავნდება გამოსახულებათა განზოგადების, დროში მათი განთავსების ხარისხში, რაც პრინციპში უდროობას გულისხმობს. გამოსახულებები დროის მიღმა არსებული, მარადიული „მოცემულობებია“, თუ შეიძლება ასე ითქვას. კონკრეტულ დროში მცხოვრები, კონკრეტული პიროვნების გადაყვანა უდროობაში, ანუ მარადიულ მყოფობაში ხომ შუა საუკუნეთა კედლის მხატვრობისა და მსოფლმხედველობის უმთავრესი მანიშნებელია და ლ. ჭოლოშვილის მხატვრობაში ასახული პერსონაჟების, სწორედ ამგვარ, მიღმიერ, გაზრდილ, გამარადიულეულ დროში წარმოჩინება ნათლად უსვამს ხაზს იმ კავშირს, რომელსაც ვგულისხმობთ და უკვე ვხედავთ კიდევაც ამ უკანასკნელსა და შუა საუკუნეთა კედლის მხატვრობას შორის...

### **მერაბ აბრამიშვილი**

ძალზე ცხადი და ამკარაა მ. აბრამიშვილის ფორმისმიერი მიდრეკილება თუ სურვილი გვიანი შუა საუკუნეების საერო მინიატურების ხერხ-მოტივთა გამეორებისა. ცნობილია მისი ცხოველი ინტერესი საერო მინიატურის მიმართ, რომელიც, თავის მხრივ, როგორც უკვე აღინიშნა, აღმოსავლური მინიატურის გავლენის მატარებელია, რაც ნათლად აისახა მის შემოქმედებაში. ზედაპირის დამუშავებაში მ. აბრამიშვილთან ჩანს, როგორც სიფაქიზე და სიზუსტე, გამოსახულებათა ზედმიწევნით ზუსტი და დაწვრილებითი გადმოცემის სურვილი, რომელიც, რაღა თქმა უნდა, მას განსაკუთრებით აახლოვებს სამინიატურო ხელოვნებასთან, ასევე ის აღმოსავლური მოტივები, რომლებითაც გვიანი შუა საუკუნეების საერო მინიატურა იყო ნასაზრდოები. ამ თვალსაზრისით კი უნდა აღინიშნოს, რომ მ. აბრამიშვილი წარმოაჩენს რა აღმოსავლური მოტივებისადმი განსაკუთრებულ ყურადღებას, ქმნის აღმოსავლური ფესვის სრულებით განსხვავებულ განტოტვას. მისი აღმოსავლეთი, შეზავებული

ეგზოტიკურობით, ქრისტიანული წერის დისციპლინით, რელიგიურობის განცდითა და თანამედროვეობის სულით, გვისახავს სრულებით განსაკუთრებულ სამყაროს, მხატვრული მრავალფეროვნებითა და მსოფლმხედველობრივი შეუვალობით. მისი რელიგიური განცდის რაგვარობაც ასევე სრულებით განსაკუთრებულია, შეიძლება ითქვას, ძალზე მსხვაობრივ ი. ფარჯიანისა და ლ. ჭოლოშვილისგან. ნაივურობას, უბრალოებას, სიმარტივესა და ღიაობას ი. ფარჯიანის რელიგიური მხატვრობისა უბირისპირდება აბრამიშვილის ძალზე მკაცრი და მოწესრიგებული, ღრმად გააზრებული რელიგიური სამყარო. სადაც განსაკუთრებული სიმძაფრითაა წარმოჩენილი მიღმიერი სამყაროს დიდებულება, მრავალსახიანობა, განსაკუთრებული სიმკაცრე და მოწესრიგებულობა. ეს ყოველივე აისახება მის სერიებში სამოთხის თემაზე.

ამრიგად, ესაა ძალზე მოკლედ მონიშნული, ჩვენ მიერ დანახული და ნაგულგები კავშირი შუა საუკუნეებისა და „80-იანელ“ შემოქმედთა შორის. რაღა თქმა უნდა, ეს მხოლოდღა დასკვნათა ნაწილია და თემა მოითხოვს მრავალპლანიან განვრცობა-გაღრმავებას. ერთი რამ კი ცხადი მეჩვენება და არა მხატვრულ გადახვევად, არამედ, რეალობის ძალზე თვალნათელ ასახვად ვთვლი ჩვენი შემთხვევისთვის მოხმობილ ი. ჭავჭავაძის სიტყვებს, რომ უნდა ვიცოდეთ, სად გაჩერდნენ ჩვენი მამა-პაპანი, რათა იქიდან განვაგრძოთ შენება. სწორედ ასეთ მოვლენად მესახება „80-იანელთა“ მიერ გაწეული უდიდესი შემოქმედებითი ღვაწლი, ქართული ხელოვნების ისტორიისთვის.